

Acta da Xunta de Goberno correspondente á ordinaria do 17 de marzo de 2017

No Pazo da Deputación Provincial de Ourense, o dezasete de marzo do ano dous mil dezasete, ás nove horas, reúnese a Xunta de Goberno da Deputación baixo a presidencia de don Rosendo Luis Fernández Fernández (vicepresidente 1º), en substitución do titular don José Manuel Baltar Blanco, presidente da mencionada Deputación -que como tal é da Xunta-, cos deputados/as, dona Montserrat Lama Nóvoa, don Plácido Álvarez Dobaño, don Manuel Doval Soto, dona Ana M.ª Villarino Pardo, don Pablo Pérez Pérez e don Juan Anta Rodríguez, os que constitúen a maioría absoluta da devandita xunta, co fin de celebrar sesión ordinaria en primeira convocatoria e tratar nela os asuntos que figuraban na orde do día.

Asiste o interventor accidental, don José Mosquera Casero, xefe do Servizo de Intervención, en substitución da titular, e dá fe do acto, o vicesecretario xeral, don Juan Marquina Fuentes.

Non asiste á sesión o deputado provincial e vicepresidente 2º, don Jorge Pumar Tesouro, que escusa a súa ausencia.

Unha vez aberta a sesión pola Presidencia á mencionada hora, e despois do correspondente estudo e deliberación, adoptáronse os seguintes acordos:

1.- ACTA DA SESIÓN ANTERIOR, ORDINARIA, DO DÍA 3 DE MARZO DE 2017.-

Unha vez examinada a acta da sesión ordinaria que tivo lugar o día tres de marzo de dous mil dezasete, a **Xunta de Goberno** da Deputación **acordou**, por unanimidade, a súa aprobación, sen observacións.

2.- MODIFICACIÓN DO PLAN PROVINCIAL DE COOPERACIÓN ÁS OBRAS E SERVIZOS MUNICIPAIS E DA REDE VIARIA PROVINCIAL DO EXERCICIO 2017, RELATIVA Á OBRA MUNICIPAL N.º 80/POS/2017 DO CONCELLO DE SANDIÁS.-

Á vista da solicitude formulada polo Concello de Sandiás, tendo en conta o informe favorable do xefe do Servizo de Investimentos, Subvencións e Patrimonio, e de conformidade coa proposta formulada, a **Xunta de Goberno**, por unanimidade, adopta o seguinte **acordo**:

Modifica-lo Plan provincial de cooperación ás obras e servizos municipais e da rede viaria provincial do exercicio 2017 no relativo ó Concello de Sandiás, incorporando ó plan principal –en substitución da obra denominada “instalación de fosa séptica en Santa Ana e urbanización contorna velorio en Couso de Limia”- a obra denominada “instalación de fosa

Acta da Xunta de Goberno correspondente á ordinaria do 17 de marzo de 2017

séptica en Santa Ana e mellora e pavimentado de camiño en Coalloso e mellora pista en Arcos”, co número 80/POS/2017, cun orzamento total de execución de 55.000,00 euros.

3.- APROBACIÓN DE SUBVENCIÓN A CRUZ ROJA ESPAÑOLA.- No Pleno, con data 27 de xaneiro de 2017, acordouse aprobar o expediente n.º 1/2017 de modificación das bases de execución do actual orzamento, figurando con cargo á aplicación orzamentaria 231.11/789.03 unha subvención nominativa, por importe de 60.000,00 euros, a favor de Cruz Roja Española para a adquisición dun vehículo.

Unha vez vista a documentación presentada polo representante da mencionada entidade na provincia de Ourense, comprobado pola Sección de Subvencións que a dita solicitude cumpre co establecido na lexislación de subvencións e nas bases de execución dos orzamentos, e de conformidade coa proposta formulada, a **Xunta de Goberno**, por unanimidade, **acorda** aprobar unha subvención a Cruz Roja Española (Delegación de Ourense), nos seguintes termos:

-Importe: 60.000,00 euros.

-Obxecto: adquisición dun vehículo para Cruz Roja Española (Delegación de Ourense).

-Xustificación: a subvención xustificárase mediante a presentación da conta xustificativa simplificada, todo isto de conformidade co que dispoñen os artigos 30 e 31 da Lei xeral de subvencións e o artigo 75 do Regulamento da antedita lei, á que se lle unirán os orixinais das facturas ou dos correspondentes documentos de valor probatorio equivalente.

De acordo co establecido no artigo 16 da Ordenanza Xeral de Subvencións, as subvencións, como regra xeral, seranlle aboadas ao beneficiario unha vez xustificadas, no prazo máximo de trinta días naturais dende que se dite o acto administrativo no que se teña por xustificada a subvención.

Ao abeiro do establecido no artigo 31.2 da Lei xeral de subvencións, considerarase como gasto efectivamente realizado aquel cuxa obriga de pago fose contraída antes do vencemento do prazo de xustificación da subvención. En consecuencia, non será preciso acreditar a realización do pago na conta xustificativa. Non obstante o anterior, e no exercicio das súas facultades de control financeiro, a Intervención poderá realizar procedementos simplificados de control financeiro, consistentes en esixir, a partir do mes seguinte ao do pago da subvención, a acreditación do pago da totalidade dos gastos incluídos na conta

Acta da Xunta de Goberno correspondente á ordinaria do 17 de marzo de 2017

xustificativa. O incumprimento desta obriga dará lugar á obriga de reintegro por parte do beneficiario, así como á imposición das sancións que procedan.

-Prazo xustificación: ata o 20 de xuño de 2017.

4.- ASUNTOS DE URXENCIA: Non se suscitaron.

5.- COMUNICACIÓNS DA PRESIDENCIA:- Non se presentaron.

6.- ROGOS E PREGUNTAS:- Non se formularon.

E, ás nove horas e quince minutos, do referenciado día dezasete de marzo do ano dous mil dezasete, a Presidencia dá por rematada a sesión da Xunta de Goberno, e redáctase esta acta, que se asinará segundo o legalmente establecido.

O PRESIDENTE,

O VICESECRETARIO,